

Das sey gesagt vō hāgends vñ ligēds
d̄ geng/ Tu volgt vō ausgehnd d̄ geng.

Item/ein izlicher gang hat zweyerley
ausgehnd/ Das ein ist das ausgehnd ge-
gen dem tag nach der gāze lēnge des gā-
ges/ das heist des gāzen gāgs ausgehnd

Das ander ausgehnd ist wider dz strei-
chen/oder entgegen dem streichen des gā-
ges nach seynem gestein/das heist des ge-
steins ausgehnd/als ein yglicher gāg der
sein streichen hat aus dem morgen yn dē
abend / d̄ hat seins gesteins ausgāg gegē
dem morgen/ vnd widerumb vō dē abēd
yn dē morgen/ d̄ hat sein ausgehnd yn dē
abend. Also vomym auch vō den andern
ortern der welt/ vñ nach dem der gāg ge-
schickt ist an seinem streichen/so mag dis
ausgehnd der gesteyn auch sein nach allē
ortern der weld. Als ynn den vorgeschrie-
benen figuren leichtlich zuuernemen ist.

Also viel sey gesagt vō dem ausgehnd
der gēnge.

Zu mehr erkentnis dieser iztgesagten
stück/von den ortern der welt/vnd vom
streichen der geng/ ist zuuernerken/das
ein cōpas yn einē sonderlichē cirkel sol ge-
teylt werden ynn vier vnd zwenzig teyl.

b ij Am er